

Ninsaal yel-segdi noy gānegr sebre (yūumd 1948)

Keogre

B wilgame ti ninsaal buud fāa tara a burkindlim la a yel-segdi tōod sēn pa yīd a to, ti b pa tōen n dik tōod-bāmb n koos bi n tek a badawā, n yaa dūni wā bāan gāaga, ned fāa sēn so a vīum ti yembd kaala, la wēg-taab kaalem dūni wā pugē yēgrā.

B wilgame ti ninsaal sēn da tog ne yel-segdi ninsā kaalmā waa ne bi-beelem la pāng buud toor-toor sēn sām dūni wā zāng sūuri, la b yākamen moon ti dūni ning sēn na n wa zīnd-a ti ninsaalbā na n wa so b mense, n tōe n gom b sēn date, n tē b sēn date, n wa yi rabeem, yaeesg la far buudā fāa pugē wā, n yaa ninsaal sēn baood ne a sūr fāa n yīdā.

Ti sēn yīd fāa yaa ti ninsaal yel-segdi wā tog n paamame ti b koglg-b ne noy buud sēn na yīl ti ned ra wa bao a sēn na maan n pōs pān-wōrdem b sēn maand-a n kong n wēneg n kē wēnem maan n lebs pugē wā.

D sēn mi ti segdame ti d keng tēms ne taab zood yōkr zīndgrā.

D sēn mi ti nasōzini (tēmsā fāa lagem-n-taar kāsengā) le mooname n wilg b tēeb ninsaal burkindlem la a tīrlem pānga, pag la rao yel-segdi sēn zem taabā, ti b le wilgame ti b ratame n mao n paas ninsaalbā vīum sōmblem ti yi ned fāa sēn so a meng vīumē wā ti yel kāng pāng yīg a pīndā.

D sēn mi ti tēms nins sēn be nasōzini lagem-n-taarā pugē lagma ne lagem-n-taarā n nk sard n na n sōng ti dūni wā pugē bi ned fāa tū ninsaalb yelsegdi wā sēn gāneg noy ninsā.

D sēn mi ti ninsaal yel-segdi noy bāmba gānegr sā n yi lagem-n-taarā ne a kēedbā n na n naag taab n maan-b n na n sōng ti b tūubā yi sōma wā.

Pipi koεεga.

Ninsaalbā fāa sā n doge, ned fāa so a menga, ned pa rogd n yaa yamb ye, nebā fāa zema taab b yel-segdi la b burkindlem wεεngē. Nebā fāa tara yam la tagsgo, ned fāa togame n vīund ne a to saam-biir pugē.

Koεεg a 2 soaba.

Ned fāa tara sor n tōe n di seb-kānga sēn gāneg noy ninsā yōodo ti bakr buud ka zīnd ye, pa tūus f sēn yaa buud ning ye, f yīng kōbg sēn ya-a soab ye, f yaa pag bi rao ye, f wēnd-sor sēn ya-a soab ye, f sēn yāk n tik politik nīnga, bi tēeb buud a to ye, f tarem sēn ya-a soab ye, f sēn dog ne b rāmb ye, bi būmd buud a taab sēn bakt ye.

Sēn paasde, pa tōe n tik ned tēng politik neng sēn ya-a soab n bak a soab noy-bāmbā yōod rīib wεεngē ye, pa tūus tēngā sā n so a menga bi a sā n be zamaan a to yembdē.

Koεεg a 3 soaba.

Ned buud fāa tara sor n tōe n vīunde, n soog a menga la a gūnug a menga.

Koεεg a 4 soaba.

Pa tog n dik ninsaal buudā fāa n maan yamb ye bi n weoog-a ye. Yembdā ne nebā koosgā gidgame, ba sēn wa n ya yembd buud nin fāa.

Koεεg a 5 soaba.

Pa tog n sībg ninsaal buudā fāa ye, pa tog n sībg ninsaal ti sībgrā yi toog wōsgo, ti pa sēn na maan ninsaal ye.

Koεεg a 6 soaba.

Ned fāa tara sor ti sēn wa n ya sīīg ning fāa, bi b sak n deeg a sēn yaa ned ning buud b̄-kaoor soog taoore.

Koεεg a 7 soaba.

Ninsaalbā fāa zema taab laloe taoore, b fāa tog n paama laloe wā koglggo ti bakr ba a ye pa zīnd ye. Nebā fāa tara sor n tōe n paam ti b koglg-b ne bakr buud fāa sēn na n wa maan n kīis seb-kānga noy wā sēn gānegā, ne būmb nins sēn na n wa ne bakr-bāmba.

Koεεg a 8 soaba.

Ned buud fāa tara sor n tōe n kēng a tēngē buud soog taoore n ti b̄ ne weoogre, sībgr buud fāa b sēn maan-a, ti ninsaalb yel-segdi sebrā gidge, ti laloe mi tiiri.

Koεεg a 9 soaba.

Pa tar sor n tōe n yōk ned zaalem, n pag-a roogo bi n yiis-a a tēngē n ti ning zīīg a to ti laloe zi tiir ye.

Koεεg 10 soaba.

Ned buud fāa tara sor wa laloe sēn wilgā, t'a yell ta b̄-kaoodb sēn so buudā, n tōe n kao ti pān-dāmb ka lob b toogo, la sēn buud sīd taoore, ti b b̄ nin-buiid taoore n wilg a yel-segdi bi a tilae-yela, bi n wilg b sēn yet ti yēnda soabā maana būmb nīngā kongr sēn taē.

Koεεg 11 soaba.

B sā n yeel ti ned maana būmb sēn kīs n dat n paalg-a, sā n pa b wa n b̄-a lame ti buudā yi neb fāa taoore, t'a paam sōangd sēn mams n paas a poorē fāa, ket n ya wa yēnda soabā pa maan būmbā ye.

B pa tōe n b̄ ned n paalg-a būmb a sēn maan bi a sēn pa maan yīnga, sā n mikame ti yellā sēn maanā wakato, buud soog nengē yel bāmba ra pa kīs ye. Sēn paasd me, b sā n b̄ yellā, b pa tar sor n tōe n kō ned ning sēn maan-a yellā sībgre ti yīg yellā sēn maanā sasa laloe sēn da gāneg sībgr buud nins yel-bāmb wεεngē wā ye.

Koεεg 12 soaba.

[Missing]

Koεεg 13 soaba.

Ned buud fāa tara sor n tōe n gō a tēngē, n kēng zīīs nins fāa a sēn date, la a yāk a sēn dat n zīndē.

Ned buud fāa tara sor n tōe n yi tēngē n lebg n wa a meng tēngē, a le tara sor n tōe n yi a meng tēngē n kēng tēn-taaga la a le lebg n wa a tēngē.

Koεεg 14 soaba.

Ned sā n wa be toog zug tēngē ti b namsd-a wōsgo, a soab tara sor n tōe n yi n bao gāag-sobend tēms a taabē, a le tara sor n tōe n paam ti b reeg-a tēn-bāmbē.

La sā n mikame t'a sēn maanā, laloe gidgame ti b mik ti yaa sīda, bi sā n mikame t'a sēn maanā pa zems ne nasōzini (tēmsā lagem-n-taar kāsengā) sēn gāneg noy ninsā, a pa tar sor-kāng ye.

Koεεg 15 soaba.

Ned buud fāa tara sor n tōe n paam tēng-n-biilim tika.

B pa tar sor n tõe n wõr ned n menes a têng-n-biilim ye, b le pa tõe n gıdg-a t'a ra teem a têng-n-biilim ye.

Koεεg 16 soaba.

Pag ne rao yũmđ sã n ta kãadem b tara sor n tõe n kē kãadem la b tilg yir tı pa tũus b yiibã buud sên ya-b rãmba, b têng-n-biilim bı b wënd sor tũudum. Kãadmã kēesg noy pøgē, b yiibã yel-segdı yaa a ye, pa yııd to ye, kãadmã vıım wakato la a kaoob wakat me b yel-segdı wã ya a ye.

Kãadem pa tõe n kēes tı pa tũ ne kãad-ratbã sakr sên pa tũ ne modgr ye.

Zak yaa têng yēgre (têng bõn-bulli). A yaa têng vıım sũuri. Têngã neb togame n koglg-a, goosneerã (leta wã) togame n koglg-a.

Koεεg 17 soaba.

Ned buud fãa, f ya f ye bı f bee sull pøga, tara sor n so a bũmbu.

B pa tõe n wõr ned n deeg a sên so ye.

Koεεg 18 soaba.

Ned fãa tara sor n tõe n tags a sên date, n bøg a sên date la a tũ wënd-sor ninga a sên date. Sor-käng a sên tarã wεengē a tõeeme n teem wënd-sor n tũ bı n teem tēebo a le tõeeme n wilg a wënd-sor bı a tēebo ne kaorengo, maana maanego tı yı yēnda a ye bı n naag ne a taaba tı yı neb soka bı bãmb bal ne taaba.

Koεεg 19 soaba.

Ned buud fãa tara sor n tõe n tē a sên date la a gom a sên date, rēnda n kıt tı ned pa tog n zoe rabeem ne a tēeb wilgri, la a tar sor n tõe n bao n bäng kibay la a paam kibay n tall-b n piuug zııg fãa n pa ges tēmsã tods ye, tı yı ne rabay buud fãa a sên date.

Koεεg 20 soaba.

Ned buud fãa tara sor n tõe n paam n maan tigsga la lagem-n-taar sull sên pa tar yela (sên pa na n wa ne gudgri).

B pa tõe n modg ned ab a ye t'a kē lagem-n-taar pøgē ye.

Koεεg 21 soaba.

Ned buud fãa tara sor n tõe n ning a toog a têng vıım tũmē, a tõeeme n maan tũmđ a toore bı tũ ne neb b sên yãk tı b let lagem-n-taara sull n tũmđē, tı nın-bãmb yãkrã yaa sên maan tı pa tũ ne modgr ye.

Nin-buiidã sên dat bũmb ninga la têngã zãab tũm tikda.

Nin-buiidã raabã wilgr tog n tũu ne vot sên na n maan tı zãmb ka zıınd ye, votã me tara wakat sōor n tog n le maane, votã tõeeme n maan tı yı nın-buiid vote, bı gũls n vot buud a to sên wënd wa bãmba sên maand tı ned fãa tõe n yãk a sên dat-a soaba.

Koεεg 22 soaba.

Ne buud fãa, a sên yaa nin-buiidã ned a ye wã yınga, a toga ne ninsaalb yel gesg soogã sōngre. Sōngrã yaa arzeka, vıım sōmblem la rog-n-mik wεengē sên yaa tılae ne ninsaal burkind la a tırlem baoobo, a mengã yidgr yınga, sên na n tũ ne tênga meng tũmde n paas tēms ne taab lagem-n-tũm päng tı zems ne têng fãa tũm yōgeng sên ya to-to la a laog sên zem tēka.

Koεεg 23 soaba.

Ned buud fãa tara sor n tõe n paam tũmde, n tõe n yãk a sên dat tũmđ ninga tı tũ ne tũmđã kũun sên na n maan tı wēgb pa zıınd ye, la b koglg-a ne tũmã kaalem.

Nebã fãa tog n paama yaood sên zems ne b sên maan tũmđ ningã tı wēgb ka ye.

Ned ning fãa sên tũmđ-a toga ne yaood sên zems a sên maane, ti sên paamdã sek yēnda ne a zak rãmb vıım tı yı burkind pøgē, tı sã n mik tı segdame; bı a paam tı b paas-a sōngr buud a taaba.

Ned buud fãa tara soor n tõe n naag neb a taaba n lulg sēndika sulli (tontũmdb sōngr sulli) sên na kogend tontũmdbã nafo.

Koεεg 24 soaba.

Ned buud fãa tara sor n tõe n paam vũusem la yō-noogre, bũmb zäng la tũmã wakat sōor tek wilgri n paas vũusem. Vũusmã geendame n tar wakat-wakato, vũusmã sasa b tog n yaoa a soaba.

Koεεg 25 soaba.

Ned buud fãa tara sor n tõe n paam tarem sên na n sek a meng la a zak rãmb laafi la b vıım sōmblem baoobo, bũmb zäng la rııbã wεengē, yeelgrã (futã), zı-gãadgã, tıbsgã n paas vıımã sōmblem baoob tũm nins sên segd-b ne yē wã. A sã n wa pa tar tũmde, a sã n wa bēedē, a sã n wa lebg kamsa, a sã n wa lebg pøg-kōore bı ra-kōore, a sã n wa kũle bı bũmb buud a taab sã n wa kıt t'a pa le tõe n dılg la a ges a meng yelle, tı yaool n pa tũ ne yēnda a maan tı yellã paam-a, a togame n paam sōngre.

Biig pøg sasa la a yãadem wakato, a tara sor n tõe n paam sōngre la koglgø. Kamba fãa, f roga kãadem pøgē tı b rogame tı b ba rãmbã pa kē kãadem ne taaba, b fãa segda ne sōngre.

Koεεg 26 soaba.

Ned buud fãa tara sor n tõe n paam kaorengo. Kaorengã tog n yıı zaalem, ba tı na yı yãadmē kaorengã (kaoren-singã). Yaa tılae tı kambã paam kaoren-singã. Tũm-minim la nus tũm zãmsg kaorengã togame n piuugi. Karen-do bedã kaorengã tog n maaname tı neb nins fãa bängr sên sek be taabã paam n kē tı zãmb pa zıınd ye.

Kaorengã sên tog n gēeg bũmb nins yaa ninsaal mengã yidgri la ninsaal yel-segdı noy sebrã tũub päng paasgo. Kaorengã togame n sōng tı tēmsã ne taab wũm taab moore, buudã toor-toorã bı wënd-sor tũudum toay-toayã wũm taab moore, tı sull fãa sak a to sên yala la b yōg taab zoodo. A togame yasa n sōng tı nasōzini (tēmsã ne taab lagem-n-tay kāsengã) tũma kēng taoore, sên na yıl ti bãana gãand dũni wã pøgē.

Ba rãmbã n yaa pipi n tar sor n tõe n yãk wubr ning buud (kareng ning buud) bãmb sên dat tı b kambã paame.

Koεεg 27 soaba.

Ned buud fãa tara sor n tõe n ning a meng nin-buiidã rog-n-mik sull tũmē (vıımē), n rı tũm-minmã bängr yōodo la a naag n tũm bängrã baoob tũmē wã la a paam n dı tũm bãmba sên wat ne yōod ninsi.

Ned fãa tara sor n tõe tı b koglg a bängr yōodo la a bängr teedo, tı yaa sebr la a gũls yã, bı yaa te-naands la a maan yã.

Koεεg 28 soaba.

Ned buud fãa tara sor n tõe n dat tı bãan zıınd nebã ne taab sũk tēnsē wã, la tēnsã ne taab sũka, tı seb känga sên wilg yel-segdı ninsã tōog n paam n yı sıda

Koεεg 29 soaba.

Ninsaal tara tılae-tũm ne a neba (a nin-buiidu), bala a mengã yidgr pa tõe n maan tı pa yı na a nebã pøgē vıım ye.

Ned yel-segdı tũub pøgē, la a sên tar sor n tõe n maan a sên datã wεengã, ned fãa toaag sên tekē yaa laloa sên wilg bũmb ninsa, sên na yıl

n sōng tɪ ned fāa bāng a to yel-segɔtɪ la a sēn tar sor n tōe n maan a yam. Sēn paasd me, yaa sēn na yɪl tɪ b tōog n tū ninsaal vɪɪm sōmblem
noy wā, ninbuiidā vɪɪm noy wā tūubu la nebā fāa vɪɪm sōmblem baobo, sā n yaa tēng zāab buud ning sēn ya nin-buiid naam n zāad-a wā.

Yel-segɔtɪ bāmbā la maan-m-yam bāmbā pa tōe n dɪk n maan tɪ pa yɪ wa nasōzini sēn gāneg noy ninsā sēn datā ye.

Koεεg 30 soaba.

Seb-kāngā gomd ba a ye pa tōe n wa rɪk t’a yɪ wa tēng a ye, goosneer a ye bɪ ned a ye yell ye, t’a soab tik rēnda n dat n maan būmb sēn na
yɪl n sāam yel-segɔtɪ la maan-m-yam nins sebrā sēn gomd-b rāmb yellā ye.